

第二冊  
 卷一  
 序圖  
 第一集  
 第二集  
 第三集



嘗謂志者所以誌事也所以  
紀實也志其事實以標往鏡  
來為觀風聽治之本者也志  
不綦重哉况邑之需志尤切於  
郡之蓋統領夫邑各邑之記載  
即一郡之考鑿也若邑之文  
獻或任其漉漫凌夷世遠年

序

一

湮泐然不可復識不幾令懷  
古者蒼茫茫興感哉柏鄉古鄆  
邑也自趙分晉而屬趙後代  
改而復仍之通都往來稱雄河  
朔其間名賢輩出國士挺生  
元明以來為尤盛焉我

朝統一海宇教無遠弗屆三

輔近地觀感倍深非復忼慨悲  
歌之習矣頌久道化成風醇俗  
美而無以脩明勸揚主事實  
標往而鏡來可乎獨是柏邑  
之志百餘年來言復脩明從  
政者豈無意為之抑多暇為  
之耶長興鍾君賡華按莅斯  
序

二

邑簿書殷繁差務絡繹而  
長才整暇雖理衝刻而恢乎  
游刃甫三載百廢具舉更以  
脩明典志為急務遂延縉紳  
文學瀚館簪筆刻期求竣  
為政若此可謂知所重矣丁亥  
夏予視學廣陽鍾君因公來

見即出志藁徵予言予公暇  
詳閱一過見其芟繁補闕以  
故增新未嘗憑臆為改竄故任  
訂十卷為例四十有二大約似  
稽仿察覽象而後辭則原諸  
易川原貢賦條列而紀張則擬  
諸禹貢風土謠俗貞淫奢儉博

序

三

識昆蟲草木鳥獸之名則倣諸  
龍經爾雅官府都鄙壇壝津  
梁田賦兵旅儀文器數別徑而  
陳象則本諸儀禮周官夫以  
百年殘缺之餘無徵不信考古  
者無如何也今復疆域形勝民  
物風土燦然昭著異日之觀風

聽治者披考圖籍得失瞭如  
胥賴鍾君之信明臚其事而  
傳之於無窮則今日之苦心搜  
討所以標往而鏡來者豈惟  
吏治之光抑亦邦人之幸也爰  
不辭而為之序

乾隆三十二年歲在丁亥夏六月

序


四

誥授

光祿大夫

徑筵講官吏部左侍

郎兼管國子監事教習庶吉  
士提督順天學政吉林德保書



矣未廣華學製斯土稽循  
舊典惟志乘是求率殘闕  
第備名曹吏來前摘問故  
例動皆語塞辭以卷宗塵  
積歲久漫漶夫圖籍不存  
何以聽治亟思徵求文獻

序一

重為葺理不待今承之三  
年矣風土人物漸於閱歷  
得其七八擬興是役會  
詔修城池日惟版築是務  
顧恐日漸因循此舉遂廢  
迺從省試之暇進紳士謀

之分任採訪毋徇毋遺藍  
本舊志參以畿輔趙州各  
志復走吏百餘里外從正  
郡購取舊卷亦多散佚無  
稽不得已抱郡志歸又皆  
勝國嘉靖前事其新志則

序二

柏鄉已改隸趙州概從芟  
不錄退則訪書吏之窮年  
老及已退事者口述數宗  
分籤珠紀餘或刑咎別錄  
錄取碑銘又或從楠頭塘  
壁搜得一二事寸百年耳

蒐索之難已至于此按柏  
志初自前令馬公寫延庭  
張公續成之今所存者刊  
於謝公廷瑞其裁定則魏  
文毅相國承先志而繼述  
之者也自文毅纂修以來

序三

百有餘歲矣故老既止諸  
名家紀錄胥多故失其所  
存者又率一家一族之事  
所謂山川田賦官師人物  
風俗物產其因罕損益之  
故亦綦蕪參稽矣舉其鉅

偶遺其細紀其事略其  
文有識者庶諒之舊志十  
志析其門類為四十有二  
各以小序記之從例也其  
碑銘序記詩賦三志有闕  
與要者因類分載於各人

序四

各事之下至誥勅一志其  
姓氏已錄封蔭中文宜載  
家乘故從畧夫志所以紀  
實非以紀文也惟因紀事  
之文以求其實則稽山川  
而知高下疏鑿之宜考田



賦而知重農任土之制於  
官師人物得勸戒激揚之  
道於風俗物產得化導搏  
節之權水獨掌以攸繫即  
吏治不無補焉  
聖朝重熙累洽中外同文

序五

近復開一統志館重纂頒  
示飭郡邑誌書俱送採葺  
華恪謹將事不敢蹈誕妄  
顛倒之術為董狐罪人惟  
以百年闕修之舉不可迂  
視後圖再致因循失墜是

則從縮版築堵之餘亟  
為此者也藁既成述其大  
略為序  
乾隆三十一年丙戌秋九  
月知柏鄉縣事長興鍾賡  
華談

序六



縣志原序

明興混合區宇同軌化洽作一統誌用昭廣輪之大  
數井之邑皆得操觚修乘以並垂不磨覽者開卷而  
神游八極聲名文物彬彬然盛矣予栢肇置最古地  
當畿服孔邇獲沾文化最先興除典制視他邑最劇  
且備乙亥歲天子狩興都六飛自城東而南駕還復  
由城而北今關南隙地卽駐蹕之所上親灑宸翰製  
詩以紀孝思固聖神過化之地而睿藻光被之區顧  
可泯然無迹耶顧邑乘久缺匪盡地靈絕散文獻寡

栢鄉縣志

原序

乏不足污作者之筆或人與時違倡而弗和罔克秉  
毫陳詞噴珠砌玉者耳予媿謏薄久稽內臺徒增惆  
悵屬嘉靖二十五稔邑侯正巷馬君履任盪整融滯  
節費振頽雖廟廡庠署罔不增飭訊知誌缺欲摩緝  
甚銳予聞之喜曰茲殆人與時應也乎必復有倡之  
者矣逮侍御近山傅公按部至邑昭憲考度問諸所  
宜舉狀馬君以誌缺對公卽命亟成之子聞之又喜  
曰公殆倡之矣馬君必克成之者也無何君果以誌  
事來謀且請載筆焉予適緣罪愆深重天連降割於

考妣五內摧裂旬旬罔備且以姑選之若曰寡  
棘奈何子曰必不獲已對自在焉可也爰謝  
鬼籍閱國劄覽川原訊博者舊聞取部誌及政注通  
判孔君雍所存事類而悉錄之遂以五八篇爲上下  
二冊以報傅公之雅意而亦請首訖不得  
辭予惟今郡縣之民列國皆有史誌封建  
法廢惟王國置太史氏和縣建作誌以存昇革故建  
縣者列國之遺而誌者史之遺也然太史氏非取諸  
郡縣之故實亦無以成一代之書故天下郡縣之積

栢鄉縣志

原序

二

而史者誌之積也誌與史雖體裁各別而述前詔後  
以爲托宋之徵者功實相存豈苟焉已哉所貴詳而  
弗蕪要而弗踈彰淑而弗諛闕惡而弗過是故以博  
古者獵其詳以徵治者探其要以樹風者憲其淑以  
昭鑒者懲其惡古有典國誌風土記咸是之取耳若  
徒宣麗侈靡則虛車之飾爾矣奚取哉茲誌也無蕪  
詞無遺跡無徇已無溢美遠足稽古近足信今懲惡  
勸善不曰得誌之體裁矣乎豈行祖述本始知輝  
苑者耶傅公名鎮閩中人馬君名寫晉陽人君子謂

觀斯舉也可以知其政矣知其政則知其人矣兵部右侍郎邑人魏謙吉

曩余讀中秘書嗜玩職方輿圖以考圖探籍史氏事也迨謝直承明車跡所集輒先索誌圖故不越几案間而弛張注措政體已辨八九矣誌於郡邑猶家之譜牒也栢鄉古鄆地屹爲恒郡南屏往來多憇息焉嘗偶一二父老詢其邑之本名以彭川栢人對詢北域之故城以王莽王郎對再詰其由則茫然莫知也接令長而問誌或對以久無或對以某會輯之格於

栢鄉縣志

原序

三

某事未果余聞而惋歎再三謂今之從政役役簿書獵譽目前循資計日不幾官爲遽廬而土苴以委邑乘觀風向俗者於何採哉萬歷甲戌濱州張君左海來尹蓋余卒業太學時舊知也閱博雅達洞悉其蘊久矣知必大所樹而彈厥志者越丙子抄秋余臬楚藩道出其邑張君出誌藁相示余受而披諸輿邑之大觀瞭然始知彭川爲槐午之誤莽郎爲鄆城之誤又誤以邢州之栢人爲栢鄉也嗚呼無稽濶則迷宗庾銖爽實以至真僞淆競譌訛相襲豈官數事

謬誤已哉故因是而可覈張君真實經久之政矣昔  
朱文公謂初仕如入暗室撤其蔀而灼徹之誌非一  
邑之昕暉邪夫誌者心志之運用也故觀其輿圖建  
置則知心運於保釐撫輯而靡荒厥緒矣觀其籍賦  
學校則知心運於子疇造衿而靡促厥脈矣觀其秩  
官人物則知心運於鏡詰程能而罔蹈覆轍矣觀其  
叢紀遺文則知心運於憬事察微而靡佚厥光矣處  
官事如家事君非其人耶無幾何張君走伴持扁余  
序且曰是役也博諏廣蒐者太學生魏君惻吾也詳

栢鄉縣志

原序

四

訂校讐者主工部事趙君懷堂也捐俸入梓宮下走  
之職也乃若藉麻鴻謨弁諸端敢不遷惠於疇昔之  
史氏乎余曰事以實錄不簡脫不緝蕪擬諸史而可  
傳者斯在也奚庸余言獨不見結綠懸藜雜產山嶽  
採之者陟巘凌塹披盪於礪礪中凡體質精英者輒  
剝衰而出俾鑒別者拭塵蒿日黜其穢欲燕石而獨  
於琳琅溫栗是庸然後追琢磨礱制爲成器天下之  
奇觀備矣善市者鼓其聲價於駟駘斯珍重連城  
者肩摩玉之出而售也豈一手一足之力哉故知甄

君採玉者也趙君鑿玉者也張君製玉者也余不善  
市無能鼓其聲價而求翫者自傳相延致矣余言奚  
庸哉廵按甘肅漳川宋范

夫載筆之書無論大者也史有野乘有家譜有族凡  
以標往鏡來罔俾遺闕矧邑聯萬族萃千室而界四  
野哉栢故無誌按春秋晉人邯鄲納晉寅于栢人今  
其地在唐山相距才一舍名固兆茲云夫春秋魯誌  
也微春秋則栢人之名殆不可昉誌可少也乎哉延  
庭自甲戌承乏是邑則首詢故實率芴漫靡所攷無

栢鄉縣志

原序

五

何太學生魏子惻吾出所著邑誌若干卷然章章備  
矣復請于工部趙公懷堂始益藻潤成書爰得而命  
諸梓夫魏子乃大司馬槐川公仲氏家學淵源趙公  
起家名進士方蒸蒸樹勲閭二公者皆以春秋顯信  
誌非春秋之筆不能矣嗚呼繼自今往可述來可鑒  
上可觀下可溯炳炳哉文獻足徵于斯乎萬歷丙子  
長至日栢鄉知縣張延庭

竊謂邑之有誌也如眉目然一覲而則了了無疑藉  
令覆面以被無論受覆者昏昏不辨卽立神哲於其

旁憑臆卜度詎能真知而確信之夫誌亦一邑之眉  
目也舊刻成於魏族之先輩號惻吾者蓋亦留心世  
務人也歷年浸久增修之責存乎代起之人然而未  
易言也媿燕魏公後惻吾百餘年高才博學娛志著  
述庭訓之暇手加裁定蕪者刪之訛者訂之未備者  
補之庶幾完璧古以己丑之嘉平承乏署篆於茲首  
詰誌書左右以版燬爲對所存腐爛不堪竊心傷焉  
而莫能爲計時媿燕公已不祿其仲君諫議公出遺  
書相示中有邑乘一帙展卷讀之綱舉目張條分縷

栢鄉縣志

原序

六

悉流覽往復令人目豁心開頓覺千頭萬緒俱燦然  
於指掌間其以資觀型垂勸戒匪淺鮮也凡任斯者  
生斯者皆當取一編置座右惡可不付剗剗廣其傳  
而長貽覆被之譏哉工竣問序於古古嘖然而爲之  
語曰是書也雖出一家言而實闔邑之公典也古不  
欲掠人之美以自居然屬稿者良史也續述者孝子  
也忠臣也輸財疲力以共襄其成者仁人也義士也  
言不佞獲挂名管端附驥尾不朽幸也故不敢以鄙  
俚辭而嘵嘵弁其首云順治庚寅夏正定府經歷著